

東岳集
三

洪陽錄
萊山錄
潭州錄

卷十二

^ 16
2432
3



和
2432
12-3



東岳先生集卷之七

洪陽錄



萬曆三十五年歲丁未八月初一日辛酉以禮曹正郎拜洪州牧使并十日丙戌拜辭出城翌日丁亥如交河木村謁外王父墓戊子還抵高陽香谷祭姊氏墓己丑轉如揚州海村拜掃先塋九月初一日辛卯奉慈氏而行初七日丁亥入洪州上任十二月二十一日己卯移授東萊府使越明年正月二十九日

發洪州赴東萊在官凡一百有二日

八月初一日除洪州牧使五峯相公垂賀
以詩次韻奉謝兼述感懷

鱸膾秋風正憶鄉得歸何幸佩州章洪陽况是

青氈物壽席當時列五常高王父蓮軒先生弘治甲子秋出牧洪州

正德丙寅冬曾祖五昆季設壽宴于州館記事有詩

關塞經秋又海鄉賀牋空復枉新章誰知八首

吳姬詠薛老高才本出常

次韻奉謝開城經歷清陰金叔度學士寄
惠別章

西指崧山目力窮洪陽更耐信難通莫論烏哺

紆青綬每嘆鸞棲限紫宮百歲幾何多別日二

毛俱已作衰翁緘書欲報離懷切寒雨蕭蕭半

夜風

一紙驪珠意不窮交情兩地似犀通湖雲漠漠

迷長路野草離離滿故宮解印正慚彭澤令倚

樓堪笑杜陵翁白頭携手同歸約回眼秋天詠

北風

長溪黃相國挽詞二首

山斗聲名盛亨屯七十年文章擅藝苑功業冠

東坡詩集卷之十一
二
凌烟未俗人宜忌危機義實全異時良史筆遺
恨洗青編

曾枉蓮華句擊蒙壽詞哀挽判年中雄文偉績
終難泯衆怒孤冤一併空自許心同伊尹可誰
知過亦屈原忠歸舟哭送違官路江漢滔滔恨
不窮

八月二十六日拜離出城

清晨拜出九門深五馬秋風向海潯東浦釣臺
臨石瀨北山書室架雲林目慚陶令歸田什誰
會毛君捧檄心却憶端州去年事綠衣無耐涼

盈襟

行到葛院寄示京中諸君子

落日西風鴈陣斜驛亭回首望京華行人去後
重陽近共向誰家泛菊花

九月初七日到洪州作二首

使君三十七非早亦非遲二祖專城地六代祖康平公

景泰乙亥為判牧使高祖道元兄半刺時萬曆

軒先生弘治甲子為牧使不才叨世業無辜奉親慈清白傳家在

伯兄氏為判官遺風恐或墮高祖以廉平寬簡中廟下書褒美

憶昨年丁酉菜衣逐大兄重來僅十載牧伯是

書生月岳

月山州之鎮山

疑新畫金川

金馬川一名金川

一認舊

名邑中諸父老却比錦還榮

登繫風樓

高閣荒城裏登臨異古今
秋陰垂大野朔吹響寒林
奉母南來日懷君北望心
時危百憂集搔首一長吟

題東軒

高城四面石崔嵬十九官中大鎮開
金馬川通滄海曲伽佛山斷白雲隈
康翁蓮祖分符地鄭老蘇仙接踵來

湖陰鄭相公嘉靖己丑秋為牧使越四年壬辰春適陽谷蘇相

公來代之七世一家三汴牧短篇還愧乏雄才

九月九日

洪都古館菊花開
太序重陽次第來
湖外千秋一登眺
人間十事九悲哀
風翻落葉城鴉散
日墮遙天塞鴈迴
坐把茱萸心欲折
五雲何處是蓬萊

衙軒庭前黃菊盛
開折寄海運判官竹陰

趙怡叔希逸學士時駐德山別業

手折黃花寄一枝
故人相望滯佳期
重陽過後秋光老
惆悵何時共倒卮

怡叔疊用枝字見謝寄菊因次以酬

憶君遙寄菊花枝兩地丁寧九日期官事撩人
時易晚白頭無興把金卮

坐冷霜菊折殘枝寄向知音是子期身事與君
俱似此了無人解泛瓊卮

秋天相憶把寒枝憔悴金英隔歲期忽見報章
添別恨向西吟望強傾卮

一夜霜凋楓樹枝流年易過老如期何當釀得
萬斛酒與爾酌之金曲卮

怡叔草堂對菊聯句用前韻

傲霜殘菊兩三枝子敏如待騷人不負期怡叔異時

此會那能再子敏須盡今宵潑灑卮怡叔

寄李子善榮元秀才開居德心縣

洪陽城上望伊山落日孤雲莽蒼間官繫未成
乘興去一年秋色鬢添斑

復用山字寄龍溪李子善

龍溪道士住高山新結茅庵竹木間他日對床
留一宿鴨爐閑藝鷓鴣斑

暮年新萼傍雲山魚鳥相親水石間却佩郡符
君莫笑寸心惟在舞衣斑

鈴閣無緣倒玉山秋風吹盡簿書間
田園舊侶空相問愧負東籬露菊斑

次韻荅竹陰趙怡叔

簾額微陽下遠山塞鴻聲斷海雲間
詠君詩罷重相憶滿院霜風錦葉斑

送結城朴明宰男罷官還鄉

三年勤苦撫羸瘦舉最何遲却罷歸無限邑人

啼卧轍淚成寒雨濕征衣君離縣日邑民遮道天又驟雨

同閉心親隔夢思隣州作宰事堪竒誰知燕鴈
還相背秋夜逢塲是別時

四達亭夜坐口占

晚衙初撥簿書叢燕坐焚香小閣空
秋氣作陰頻下雪夕林舍籟遠生風
身供魚笥高堂上地接松楸一舍中
榮似錦衣傷底事丹心長繞紫宸楓

感時述懷寄贈洪司藝輝世蘇正郎子實
金佐郎冠玉洪正郎樂夫諸學士時上
體不豫西北有警

北望秦京道秋深別恨新學宮霑祿秩即署屈
儒紳世事危疑極邊書警急頻定知憂國鬢今

日共成銀

次慧允上人詩軸韻

風亂鴉翻樹天寒雪滿山鈴齋對釋子占得片
時閑

小杜平生靜愛僧不堪回首望昭陵阿房健筆
淹江海惆悵瀛洲未易登

贈敬全上人

寒鴉集古樹雪落湖天暮山人此時來索我題
新句

贈妙淳上人

僧來覓我詩詩在無言裏雪月滿空階蕭蕭竹
風起

題大鑑上人詩卷

八峯山上老沙彌來乞洪陽太守詩詩句欲成
師自去一簾風雪暮鐘時

次怡叔見待詩韻

吾輩多才子誰能到鳳池最冷湖外客更耐歲
殘時棄擲逾投分招呼敢負期會拚文字飲塵
事任勞絲

十里平郊暝色催為君鞭馬雪中來相逢劇飲

非耽酒要緩離腸日九回

怡叔草堂復用回字韻

草堂曾共菊花盃却戴官醪踏雪來轉盼忽驚

時序促重陽纔過一陽回

醉睡空堂鼾似雷鷄鳴跨馬獨歸來平林積雪

明溪路星斗闌干河漢回

再疊前韻答怡叔趙學士

碧雲相望思難裁日日詩筒去又來妙句欲酬

吟更苦莫嗔郵吏隔宵回欲作報章事多思
礙留宿來价故云

醉眠初覺興迢迢不怕霜風刮面來信馬八峯

山下路曉雲寒樹共縈回右岸中
風流之句

兩世蓮花榜裏魁倚樓詩法有從來淋漓醉墨

揮千首三峽狂瀾筆底回君先大夫甲子榜進
士第君亦辛丑榜

進士

次韻趙怡叔草堂作

夕風吹樹急寒月出峯遲樽俎逢君地江湖戀

主時吾儕無寵辱世事判安危敢作窮途哭長

歌意益悲

十二月二十日祭後書感

高王父蓮軒先生弘治甲子秋出牧是

州正德丁卯十二月二十日卒于州之衙舍自丁卯距今萬曆丁未一百有一年

素衣晨起奠蘋藻陟降明靈儼若存易簣州堂易簣日佩符王父佩符孫一家積慶更三世百載遺恫入九原政拙顧慙難趾美異時耆老說吾門

題永保亭

在保寧水營

海門西望林巒紆山涵萬頃之澄湖半空樓閣歷城塹兩岸旌旗連舳艦蓮老驛間記猶在翠

翁詩後人更無江山為我亦青眼二祖遺風今

不孤

高王父蓮軒公記板揭在楮上外曾祖挹翠軒近體五首贈炎于世

北觀溟渤西遼海今上湖樓倚落暉風拍潮頭浪如雪山圍浦口翠成霏此翁眼底無天地何處人間有是非醉後高歌擊長劍暮年頗愧壯心違

移守東萊題四達亭留示芝峯李使君

先

近體二首

踵門曾乞送行詩此地交承本不期司諫廉名

紆寵典

高王父蓮軒先生曾為司諫燕山朝出

卓異下書褒之中樞美政照穹碑
公叔父知中樞事諱希
得萬曆癸未曾牧是州越四年陞授祖孫今日
永興府使邑人思之為立遺愛碑

吾方忝叔姪公家迹亦奇小技却慙非大手謾教人比鄭蘇時

拙宦真甘把一麾儒仙何事別龍墀名齋小杜才慙薄迹比前羊故失宜潤色山川元有待平分風月要相思誤恩南去猶遺恨不見朱華滿綠池四達亭有兩池荷花甚盛為一州之勝賞

東岳先生集卷之七 洪陽錄終

東岳先生集卷之八

萊山錄

萬曆三十五年丁未十二月二十一日
已卯由洪州牧使遷東萊府使越明年
戊申正月二十九日丁巳發洪州次大興越翌日二月初一日戊午與新牧使相會十一日次密陽府南鵲院與舊府使相會十五日壬申入東萊府越明年已酉五月初十日庚寅呈病見罷新官久不來衙舍甚熱移居金井山梵魚寺

六月二十一日抵梁山通度寺翌日憇
南驛入慶州翌日抵玉山書院謁晦
齋先生廟宿正惠寺翌日還宿慶州翌
日還到通度寺留五日七月初一日庚
辰宿梁山初二日自舊黃山驛乘舟泝
江而上次密陽三即夜宿舟中初三日
到耳倉下舟入密陽初九日次清道與
新府使相會十七日憇忠州斷月驛宿
金灘十八日乘舟沿流而下次揚根郡
南白羊浦夜宿舟中十九日到揚州

川下舟宿臺山別墅二十日已亥入京
城在官凡四百三十八日

陞拜東萊書事述懷寄示京中諸君子

一脫黃冠未十年蓬萊新秩進貂蟬行穿太白
山蟠地坐壓扶桑日出天賤子敢期蒙簡拔盛
時常恨乏扳聯何方報得君恩重手挽銀河
洗海堧

丁未十二月二十九日監營牒至吏曹啓
除朝辭令直赴任所戊申正月十五日大
夫人發洪州還京城率題近體一首以述

徽志

新換魚符忝賜緋簡書還促啓征駢湖州已說
京都遠海微應知驛使稀正向北辰懷魏闕更
堪西日別慈闈忠臣孝子生平志立馬春風浹
濕衣

正月二十九日發洪州次大興途中作

南徼膺新命銀章紫綬垂亦知朝寄重頗奈母
年衰大嶺橫關路孤城傍島夷客愁從此始直
到北歸時
未暖湖陽席仍分嶺左符自慙施故拙誰道荷

恩殊碧海氛猶惡蒼生喘可蘇平生報國志不
敢惜微軀

二月初一日發惟鳩驛次公州

二月公州路天陰雪滿山疾風號木末孤鴈落
雲端去國身仍遠思親夢獨還羈心正蕭瑟况
乃值春寒

熊津舟中

津頭春水碧滟滟輟棹中流旅思添紅靄浸江
明日脚黑風噴雪暗山尖坐來氣色陰晴變分
外功名寵辱兼回望故園清漢曲歸田詩在愧

陶潛

余自端川棄官而歸嘗集陶靖節歸去來辭字作為歸田園詩五十餘首

二月初四日發懷德縣過五道宋明府田庄

公思津人名耨壽字靈老號五道山人年七十二歲嘗為林川守罷官歸田閑居于懷德縣宋村即公桑梓鄉也

明公黃髮吏情踈琴鶴田園返故居子姪結隣同阮巷竹松開逕似陶廬春風牧笛烟郊遠雨夜暮燈草閣虛堪愧海雲天畔路十年幽計負

樵漁

海雲臺在東集

敬贈五道宋明府

野服柴術內耆年貌尚童休官晉陶令避世夏黃公雪逕粘梅藻風檀響竹叢暫來承警歎頓覺俗緣空

題宋明府幽居

傍山籬落自成村竹雨松風隔世喧最是草堂堪畫處小梅花發月黃昏
數椽茅屋倚松根逕入脩篁畫掩門
皤髮老翁款枕卧手披黃卷教兒孫

二月初五日沃川郡道中作

自入峽來風日甚惡

峽路春全冷溪橋凍未消黑雲靈壘嶂蒼檜偃
回颿北闕馳心切南陔入夢遙誰言立馬貴旅
鬢日蕭蕭

二月初六日朝發永同縣午憇秋豐驛驛
乃湖嶺分界之地也繞入南州土候甚暖
是夕宿金山郡

首路秋豐驛山分一水流雪殘汀柳變風暖野
蜂遊萬物皆春意孤臣自旅愁北辰者更遠何
處問神州

詠嶺南風土

嶺南文獻地民朴土風淳篁竹村村碧叢梅岸
岸新野氓崇俎豆鄉塾盛簪紳會擬閑居賦移
家托里仁端岳開居賦云此里仁所以為美也

二月初七日次星州

雲橫月嶺洪州明春雪日落星山噪夕鴉馬背忽
驚身事遠一旬看却兩伽伽伽伽山在德山星州亦有伽伽山

一月初一日

宣宗大正昇遐是月初八日行到大丘巴峇
村承訃舉哀泚血以書

只說朱垠隔紫宸僊輿誰識遽登真 聖神文

武中興主宵旰憂勤四十春率土方祈 霽美
永小臣偏荷 溥恩新雲愁風慘巴岑路北嚮
號天血滿巾

二月十五日入東萊府

七載天南海賊屯州居燒作一荒原春來乳燕
巢無樹日暮殤魂哭幾村衙吏僅存蠻語諜驛
田都廢野流渾宋公忠烈祈祠儼毅魄惟應鎮
國藩

題東軒壁上

蔓草蕭森古郭門燼殘閭井但頽垣萊祠有鬼

風烟暗疾市無人烏雀喧城底廢塚堆白骨雨
中寒燐照黃昏傷心忍問龍蛇歲遺老相看不
敢言

寄上五峯相公以告訃請封上使赴燕京

僊御賓天痛莫攀謳歌方待 帝綸頒獨擔大

事千官上重踏長途十載間穀雨春風催節序

玉京蠻徼渺雲山傷心更耐榴花月慣捧霞觴

祝駐顏公曾於庚子年春以謝恩使
朝天五月十六日乃公祀度也

寄別蘇正郎子實以書狀官赴燕京

漢北湖西別隔年更堪炎徼阻幽燕聞君去逐

下書字本似秋切乃
為書數兩則書凡
非秋也

千秋使憶我歸當九月天遼塞野雲生古磧
門霜樹落寒川眼中歷歷曾行地回首春風意
惘然

寄贈尹參議靜春以 聖節使赴燕京

百年人事變蕭條天末相思鬢易凋木落山蹊
秋散策月生江岸夜宿撓東瀕島嶼蠻州近此
極星辰 帝里遙遼館只應多舊主認君風翹

早冲霄

君曾以書
狀官朝天

次敬祖上人見寄韻

師住府西
禪庵寺

七十高僧卧碧山古庵幽徑入雲間遙知誦徧

蓮華法蜀魄啼時月滿壇

次韻贈敬祖上人

不食不衣仍不言薜蘿深處避人群石樓終日
跣趺坐笑着山頭飛白雲
一枕松齋萬念清曉窓何事睡還驚山中昨夜
春雨急雲壑忽高溪水聲

四月十五日

四月十五日平明家家哭天地變蕭瑟凄風振
林木驚恠問老吏哭聲何慘怛壬辰海賊至是
日城陷沒惟時宋使君堅壁守忠節闔境驅入

城同時化為血投身積屍底千百遺一二所以
逢是日設奠哭其死父或哭其子子或哭其父
祖或哭其孫孫或哭其祖亦有母哭女亦有女
哭母亦有婦哭夫亦有夫哭婦兄弟與姊妹有
生皆哭之蹙額聽未終涕泗忽交頤吏乃前致
詞有哭猶未悲幾多白刃下舉族無哭者

即事遣懷題衙軒壁上

北望秦城接斗杓海天南畔剖符遙颶風簸地
沙皆走瘴霧薰人骨欲銷燒後邑居依賊壘亂
未蠻俗變民謠玉紹不是江潭客還恐歸魂未

易招

毒熱書懷寄示京中諸友人

岳稜噴空海霧升黃梅青草瘴如瘴地踰五嶺
常炎熱日直三庚况鬱蒸伏枕真同坐深甑披
襟只欲踏層冰殊方紫綬渾無賴歸思翻添白
髮鬢

六月十一日丙寅作

用登繁風樓韻
宗大玉是日發引

厭代堯雲遠因山禹穴新袞號望霄漢絕微間
朝紳盛際收名晚微班改秩頻報恩無復日
空自愧腰銀

六月十二日丁卯作

孤城東海畔北闕阻層霄
仗春悽慘玄宮夜寂寥
小臣無寸效新渥已先朝
忍看三箋草湖州遠祝堯

曾在洪州時冬至
正朝上箋陳賀

勸學文示校中諸生

蒙養乖方利慾侵立身誰解在
操心天敷一性皆堯舜
入壞三綱是歟禽正路直從誠上去
本源常向敬中尋
諸君莫擲青陽日
勉把吾言作砥鍼

勸學文示校中童蒙

講習非關萬卷書
要須心性反求初
一編小學先儒訓
熟讀終身用有餘
萬物何因貴是人
只緣天性有彝倫
若教暴棄同禽豈
出必忠君入愛親

秋日書懷寄示京城諸君子

丈二青網謾結腰
坐看蠻樹起商飆
地多炎瘴晴生霧
城近滄溟夜聽潮
白髮倚閭西日短
丹心戀闕北辰遙
不堪嗚咽同兒女
京國音書正寂寥

七月十五日對月呼韻

東岳集卷之八
西風急雨洗新秋日暮天光滑欲流腸斷蓬山
今夜月玉蟾應照廣津頭

聞蛩書感

寥寥秋霖滴暗連蒼蒼曉月透疎檣箇中多少
寒蛩語只有羈人子細聽

秋夜西齋

秋到更長不奈何郡齋羸卧憶雲蘿淒風徹夜
頻驚夢悔向連前種竹多

日夕口占復用前韻

百蟲悲咽一連秋旅枕偏驚歲月流心憶故園

何日到左魚無耐雪侵頭

天畔孤城樹色秋歸心如水平東流忽驚萱室

西暉短四十生兒也白頭

中秋不見月呼韻口占

一年清節望中秋海霧無端滿目愁誰挽銀河
洗天宇八窓如畫對瓊樓

八月十六日月夜口號

用前韻

風篁策策夜鳴秋病卧荒城抱客愁起看北辰
天萬里五更殘月下西樓

霜髮蕭蕭又一秋天涯旅宦不勝愁弟兄相憶

何時見夢斷孤城月滿樓

登釜山浦西門樓上作

畎畝常懷社稷憂
鄉食軍樓上倚清秋
山連長白三千里
城壓扶桑六十州
日月如流男子老
功名不立古人羞
揚帆直欲東飛渡
手戮穹鯨奏冕旒

西門樓名

釜山城上望對馬島

海中孤島賊咽喉
本是鷄林舊屬州
忍與通和天共戴
終須伐叛地全收
擒吳霸越平生計
舉郢燒陵百代讐
杖劍高城向東望
世無人解讀

春秋

多大浦作

浦在府南五十五里

行盡黃茅到海邊
壞城牢落斷人烟
溟波直接蠻兒島
邏卒常驚賈客船
故國一千增北里
壻親八十少三年
孤身此地頭堪白
况對寒林聽晚蟬

沒雲臺

臺在多大浦南七里許

秋晴瑤海曙光鮮
鏡面扶桑影倒懸
宵宵碧天三島外
瞳瞳紅日萬方前
六色到此渾無地
浩劫從今復幾年
便欲凌風跨寥廓
蓬萊頂上訪

群仙

海雲臺

臺在府東二十里新羅崔致遠等臺遊賞之地

新羅學士崔海雲海上等臺凌紫氛飄輪一去
幾千載花落石壇空夕曛蓬山縹緲白銀闕琪
樹婆娑蒼鶴羣憑虛覽古意超忽月下鳳吹如
相聞

崔致遠字孫雲一字海雲

海雲臺次俞潘溪韻四首

朝登元帥暮環瀛更上龍灣古塞城漢地胡山
分鶴野南箕北斗八鵬須胸吞雲夢三韓窄筆
寫風烟萬象驚忽覺吾行盡杜觀赤波中湧太

陽明

元帥臺在鏡城海邊環瀛樓在湖西水營龍濟乃義州也

長空無際海漫漫日暮高臺酒欲闌萬里乾坤
孤角裏百年風月彩毫端鯨濤噴雪琅玕碧鶴
露垂珠沆瀣寒竺見瀛洲羽衣侶手攀瑤草步
蹒跚

一氣鴻濛太極前呀然黃地與青天人間結駟
懷金貴物外餐霞服日仙鶴騎鸞驟超上界珠
襦玉匣掩重泉貴非吾願仙難學海畔搔頭只
自憐

寶珠花發洞天香羅季孺仙迹渺茫鹿駕已歸

蓬島上星冠應侍玉宸傍一千歲遠山河異十
二樓高日月長金液未成霜病鬢古臺空望白
雲鄉臺上多山茶花俗號冬栢
寶珠茶即山茶之一種也

出省郊野有感口占

省稼循秋野停驂引老農田間行語曲隴上語
從容邑弊村廬少年荒賦役重深漸濟代志猶
不活雷封本府舊縣
故云雷封

機張縣作

機張縣本小兵後屬萊州版籍無三戶城池變
一丘烟沉山色暮木落雨聲秋愧乏安人術傷

時只自愁

題機張縣絕句四首

行尋殘郭入榛荆墟里無人野鹿驚白髮田翁
故邑吏獨扶藜杖馬前迎
破堞周遭古縣空蒺藜蓬藿蔓成叢千齡百代
猶驚骨况耐兵戈在目中
喬木寒烟滿目悲邑中廬舍但荒基逢人不敢
詢前事恐說官軍陣沒時
雀噪蟲鳴鴉亂啼病城秋草沒官蹊蕭條石戰
傷心地日暮更堪風雨凄

奉寄石洲權汝章教官

路遠無憑問起居別來相憶果何如
鶯啼嶺徼烟花暗鴈到江潭木葉疎
平日樽前輕會面危時天末絕封書
與君七十俱強半衰鬢應同雪
映梳

秋日夕坐見城外南峯舉烽火而作

聽徹離黃又亂鴛海山窮處守孤墉
鷹峯直接蚤頭嶺日日歸心寄夕烽
鷹峯在州境舉烽火處也
零葉翻空鴈叫秋竹符無賴望鄉愁
城南日夕平安火隔浦雲山是馬州
對馬島或得對馬州

九月初六日有事監營赴大丘府自梁山

仇法谷乘舟溯江夜泊密陽廣灘

秋風吹棹溯江邴夜過梁山入密陽潮落石汀
鵝鴨亂葦葭無際月蒼蒼

舟中記興

涼風起蘋末落日掛山顛
心與江波湧舟蕪吏役牽
鷺閑眠曲渚魚戲躍清澗
行李妨幽事鳴榔入暝烟

九月九日題大丘館

壬寅重九扈謁聖

昔年重九禮宣尼
旣侍龍顏立玉墀
今日小

臣遲一死天涯淚濕菊花枝

曾捧 鑾輿謁素王鳳城秋色屬重陽天南北
日孤臣在獨對黃花淚滿裳

九月十一日自密陽柿木浦乘舟夜行曉

次梁山仇法倉

津亭日暮山蒼然萬里無雲江映天島嶼微茫
鵝亂叫星河寥落月孤懸石崖秋響墮紅葉沙
渚曉光凝白烟一夜中流八十里滿船風露入
詩篇

舟中記興

抄秋雨新霽江月照空明石浦清無影風灘遠
有聲意從寒浪定身著小舟行蕩槳過蘆岸驚
鳧時一鳴

舟行即事

月出寒江靜西風送客舟白鷗飛不見兩岸荻
花秋

月落江欲曉天高星點稀風帆不覺遠白露滿
蓑衣

石峯寒雨洗烟嵐錦樹秋光浸碧潭短艇搖搖
泛月去不知身世落天南

蘆花雪白水藍青雲淨瑤空月滿汀北望秦山
何處在櫓聲鴉軋入東溟
月沉星散鵲驚飛一棹長江客夜歸曉日未生
山際黑露華川氣白霏微

衙軒連前菊花盛開悄然獨坐有感于懷
仍用去秋酬和詩韻寄贈趙怡叔因示李
子善時戊申九月十六日

心同越鳥繞南枝歸路迢迢未易期秋滿秦城
時事改何人忍舉菊花危
孤城寥落古萇山目斷秦雲夕照間一別慈顏

秋又晚不堪雙袖淚痕斑

東萊乃古萇山國也

兩鄉相憶菊花開未見平安一字來記得去年

今日醉駱山殘月訪君回

怡叔別業在德山縣駱山村

奉謝金叔度寄詩見問

手拚詩紙墨未晞其鄉顏面見依依沉吟欲報
相思意夜雨鳴簷燭焰微

母老兄貧消息稀蠻鄉古邑是天涯秋來客恨

君何問記取關山北去時

君曾為鏡城府判官

附次韻述懷寄酬广老詞伯

世事真同草露晞憂端樂緒更因依邇來漸

覺心灰冷清坐前頭萬念微

深巷蕭條車馬稀藥籠經卷送生涯誰知雪

後山中樂正在晴簷曝背時

清陰

以觀察使李尚信狀啓某儉約自奉愛恤

邊氓田野開闢利興害去使一境之人安

居樂業 命賜表裏一襲拜命循省榮踰

望表非 臣糜殞所能上報萬一感天荷

聖無任激切屏營之至拜手稽首謹綴七言

近體二首書于東萊府之衙軒

北宸新命下天南再拜中連額榻三儉約未能

追祖述撫循何敢比張堪使軺奏最虛名玷

御篚頒珍異澤亞父老聚觀煩共賀寸忱無效

祗懷慙

晉祖述為豫州刺史躬自儉約督課農桑後漢張堪為漁陽太守勸民耕稼以

富致

一札銀臺降玉函微名誤徹九重嚴莫言即墨

田多闢終愧弘農性本廉踈慢只憂加責免

寵褒誰料荷恩霑手揮感涕瞻宸極昂鑊捐軀

意亦厭

日夕口占呼韻

拄杖荒城日暮天亂鴉飛盡遠林邊羈魂渺渺

歸何處河曲新庵額奉先先塋在河川奉先庵乃齊剎也
萬事隨緣不問天願從漁父老江邊平生喜讀
鷓鴣賦每向中台惜茂先

奉呈觀察使崔相公雅近體二首

公以湖南方伯秩滿還朝者未一歲又
膺是命任重藩維戀切堂庀因屬余
賦詩以寫其意故拙不敢辭時萬曆三
十六年戊申冬十月望後三日

煌煌玉節下天垠報政湖藩未隔春許國一身
巡察使歸心千里太夫人邵公棠底移風速狄

相雲端愛日頻 聖代即今新孝理行看宣召

贊陶鈞

北闕繞聞四駱還鳳緡南服又旬宣慈顏潘令
縈懷切方面張公屬望專奠道君親非一體李
來忠孝重雙全蠻州小吏都無補歲暮哀吟陟
配篇

寄送金叔度學士以遠接使從事官之關
西故林塘鄭相國乃君外王父也久典文
衡屢值華使

一代風流鄭故丞皇華酬唱至今稱從知宅相

連城壁即見槎編出水水浮碧樓空巖窟古統
軍亭迥鶴天澄鹿官海微藹家業回望曾遊感
慨增

分司官似六安丞時論年來以屈稱白戰初揮
五色筆清銜重帶一條冰雪晴錦水銀橋滑月
照龍潭玉鏡澄想得奚囊多秀句關西紙價向

君增

君時為開城經歷遠接使啓差從事
錦水黃州族錦溪龍潭義州九龍淵

附 次韻奉寄東岳詞兄

太守廉聲過許丞更無詩社重名稱高資削
鍊千尋壁雅藻登盤六月水醉裏河東從毀

譽宵中雲夢自泓澄漸余到老才方盡餘論

憑君價倍增

自愧居官久負丞喜君名譽共嗟稱操身苦
節疑含蘄釋難溫辭可解水良會隔年幽興
減清詩入手病懷澄終期畢力酬 明主歷
遍艱危氣益增 清陰

對落日

落日下西峯翳翳景易沒忽念北堂親正似西
峯日流光不可駐徂歲何太疾日日落時此
心如有失忠孝難兩全恩義固相棄赤紱繫遊

子薄暮泣天末

步明月

日夕苦幽鬱中
連步明月水輪出東溟
蟾光照鳳闕
鳳闕天北極
川路渺難越
身為符竹
靈去飄忽
坐聽鷓鴣鳴
歲晏衆芳歇
徘徊達叢竹
颯颯寒吹發
霜露滿高旻
星河行漸沒
所懷不可見
沉憂生白髮

鑷白髮

昨日鑷一莖
今日鑷一莖
日日鑷不已
莖莖白復生
誰識莖莖
日日戀母情
戀母何太苦
七

十又七齡七十七
衰甚况乃疾病嬰
縱得身侍旁
兒心豈暫寧
母兮在漢京
兒兮在萊城
萊城去漢京
十有一日程
自兒與母別
月已十二盈
數月一見書
一日百慮并
公義詐不重
朝命亦云榮
所悲西景迫
北顧淚縱橫
嗚呼母兒隔
髮白不足驚

待鄉書

余拜辭慈氏南來嶺表
今已十有二月
而自萊山去京城九百六十二里
發使往返之間
動經旬朔
故音問甚疎
兩月

東坡集卷之八
中見家信者僅止一二度也

昨日晨起待鄉書鄉書不來日西墜今日晨起
待鄉書日又昏黑書不至坐待鄉書日復日對
食廢餐寢忘寐去使歸遲來使稀三旬不見家
中字家中慈母年七十拜別南來月十二南來
海徼天一方北去秦京千里地十二月中三百
日日一百刻思親意七十之年添七歲餘齡幾
何如隙驥隙驥易過難再回歲不我貸去何駛
分寸光陰正堪惜奈爾三百日遠離夏燠冬寒
那得問晨羞夕膳應屢匱疾痛奇癢起居間一

日所憂非一事思親意切且如此倚門亦復望
余季關防有守朝法嚴罷去無由難徑棄子職
玉事自相違一身誰全恩與義每到日夕心更
苦起看白雲垂滄海瀉嶺路橫天斗柄遙奮飛恨
不生兩翅嗚呼吾黨宦遊子親老莫作邊州吏

曉起口占

月落荒城暗霜風響竹枝曉窓歸夢覺孤角海
天涯

夜坐口占

寥寥堂西竹夜深風雨時思歸無限意只有小

燈知

雪中作

北風吹雪亂漠漠滿天涯恰似東萊守思親愁緒多

雪後作

青山一夜雪萬樹白鬢鬢恰似東萊守思親鬢易華

見家書

秦京北望路漫漫一出萱闈月幾團使去例須經節序書來還不信平安鷄鳴久廢趨晨省魚

躍空思搗夕餐隙如易過歸日遠坐看烏哺淚沈瀾

食倭橘

金橘冬初熟雪珠萬顆黃遠隨蠻子舶寒暑洞連霜帶葉疑新摘開筒認異香平生陸續意海上愧先嘗

倭橘十月
中始熟云

對早梅憶京中親友

臘月東萊館江梅動北枝黃昏一點白春色兩年期遠客驚時序殊方怨別離無因逢驛使心折陸郎詩

衙軒北邊有老梅一樹臘前破蕊

嶺海蠻荒地冰霜歲暮天崢嶸一株老的樂萬
花先絕代誰同調凌寒且自妍風晨與月夕猶
有病夫憐

折梅數枝置案上瓶中著花甚佳燈下見
之踪影絕奇喜而有賦

案頭開著兩三葩看到燈前影更斜忽覺今年
不虛擲滿窓風雪賦梅花

瓶梅初發敬祖上人忽袖詩來訪仍次其
韻以贈之時用五味子煎茶同喫

瓶裏疎英夜忽開門童又報老僧來小齋相對
還多事手煮新茶共一杯

折梅寄京邑親舊

手折官梅第一枝遠緘春色寄相思秦城到日
留寒馥認得蠻鄉玉立時

贈印悟上人

萊州地濕似湘潭瘴氣玄冬噴作嵐病守不堪
頻望北禪僧何事又來南古城風雨參差夢名
岳烟霞子細談懶性直思拋印去共尋仙洞結

雲庵

師遍遊智異
金剛等山云

除夜

亦謂歲不駐豈知今遽除行年已非少歸計便
成虛許國空糜俸離親久絕書一宵關百慮天
畔鬢毛疎

守歲蓬山館青燈照病身禁城天北極蠻邑海
東瀕宦拙仍為客年衰更有親庭前小梅樹空
復一番新

歲逝誰能駐春來客未還二毛孤燭畔一夜兩
年間瘴霧含星漢陰風振海山更深要暫睡夢
去侍慈顏

除夕

三刀夢折大刀頭除夕燈前更了憂地極路窮
書不到星移年改客仍留慈親養急今專廢
聖主恩深未粗酬魂去故園空對影一聲邊角
報晨籌

己酉元日立春帖字

九五龍飛第一春歲華還趁憲章新風調雨順
開休運俗阜民康圉至仁日域諸蠻輸玉帛天
山絕塞息烟塵微臣北嚮無他祝 聖筭從今
過大椿

鳳曆開元玉律新柳芽梅葉一時春色齋今日
焚香祝只在蒼生不在身
一夜東風轉斗車桃符門上換年華天涯默禱
非他語解綬還家趁杏花

雨中對梅花戲贈 宣慰使李志完輔德絕
句二首

蓬州正月雨催梅故為春坊學士來十日西風
還有意不妨留待北枝開時風勢甚逆使來遲
宣慰之行久留

故以待
云
青瑣詞仙捧紫綸古城春色小梅新南翁此日

傳奇事第一花前第一人

詠早梅二首

本以孤高質况生天一方老柯封古蘚踈萼暎
脩篁凍白都無染曛黃只有香終羞艷陽節桃
杏與爭芳

似避人世間窮荒甘棄捐遲開百花後却占一
春前地僻香逾淡天寒節自堅流傳八詠在千
古怨適仙

對早梅書感

客中對梅樹青律又回春一萼明南紀孤城老

北人世間元獨立天未更誰親日夕添愁絕沉吟白髮新

重賦早梅絕句一首

遠客愁多不記時忽驚春色又南枝三冬閉戶吟全廢試為新梅一賦詩

衙軒西遶有梅一樹早開先落書以志感

要斗峯學士共賦

天與冰霜操儵然耐歲寒臘回催早發春至恠先殘肯許羣芳並應知獨立難淒涼似客意青子却含酸

正月十五夜作

暫為湖外守轉作嶠南人蓬鬢三年客梅花一樹春故國更新主高堂有老親滿城元夜月空復淚霑巾

月夕對梅花口占

暫出秦城歲又道一官流轉幾時休黃昏澹月長山館人與梅花相對愁

登海雲臺用前韻戲占絕句四首

石臺千尺勢凌雲下瞰扶桑絕點氛海色連天碧無際白鷗飛去背斜曛

伽倻仙子禮元君採藥行隨麋鹿羣丹成白日
棄雲去但有高名天下聞
日照蓬萊生紫雲珊瑚碧樹春氤氳滄海桑田
幾千古銀龍吐水催朝暉
羽車歸謁紫宸君海岸空留鷓鴣羣三山迢遞
隔雲水十二鸞絃何處聞

海雲臺次斗峯韻

欲傾東海怒濤洶洗我平生磊砢曾喚起新羅
崔學士郁琴一曲聽風松琴曲有風入松
世路風波特地洶幾人冰炭戰心曾南極老翁

拍手笑海山高處倚雲松

疊用前韻別印悟沙門還楓岳舊刹

芒屨秋風過鶴潭又尋堯率入烟嵐雪消海岸
鴻初止人立梅花月正南異域雲萍淹旅館清
宵玉露接禪談幽蹤別後憑誰問萬二千峯八

十庵

鶴潭在頭流山青鴨洞堯率在楓岳山

家枕松溪石丈潭桃花一洞鎖晴嵐雪中鐵馬
陰山北嶺外銅魚瘴海南蓬鬢三霜為客恨茶
甌十日與僧談羨渠飛錫金剛路好伴青春返
古庵松溪在揚州牛耳洞乃余家別業也

東岳集卷之八
三十一
月夜賞梅即事記興奉贈斗峯學士

夜靜南樓月滿攬一株瓊艷照中庭
步隨疎影搯斑杖坐挹寒香罄縹瓶
今夕浮生豈易得異方佳會未曾經
新詞寫出風流盛說與州人子細聽

梅花亂發月華新相對繩床兩幅巾
坐到參橫吟骨冷一杯忘却是羈人
竹外新葩雪作團月明斜影畫應難
從知愛物偏成癖病裏扶筇立曉寒
吟立梅邊滿袖香夜深虛館月蒼蒼
孤山句在

詩難就空斷平生鐵石腸

自梅花開後步繞樹下吟詠遣日

花一開時句一裁客愁消遣在
看梅若教花盡渾無賴說與新葩次第開
去歲南來淚滿巾了無詩句北枝尋
天公似與梅為地留著吾人又一新
日日攀條倚瘦藜每看新萼句新題
孤芳似識騷人意不向東風破得齊

客中無聊吟哦自遣因成一絕以志

憂多成病病成癡天畔思歸未有期
索句只謀

消客日錯教人道愛吟詩

次斗峯學士題積翠軒韻積翠軒舊在客館後今作廢壙 宣慰使誤以新館東軒認為積翠故篇內辨之

城頭積翠已無軒血戰當年殺氣昏忍道山川餘物色百家今只一人存

釜山城上次斗峯韻

山似釜形城似環嶺陬雄鎮控南蠻行窮區域三韓外坐筭英豪百代間祈木天文晴接海扶桑日御夜臨闕男兒許國身方健未得清邊不

擬還

次斗峯用釜山館韻

長白山前去鎮東城上來盛代英雄老登臨酒

一盃

釜山號鎮東營

兵革城池破山河宇宙來百年憂國意落日一盃

次斗峯發多大浦到釜山舟中作韻

日上扶桑曉靄開樓船初發沒雲臺地形直到三韓盡湖勢遙從百越來共說碧穹圍似笠即看滄海小如盃使筆健筆工摸寫欲和慙非八

斗字

和斗峯用雲字韻詠梅竹之作

彷彿陽臺夢裡雲佳期不待問靈氛仙姿向月
含霜冷玉質臨風背日曛一笑故應矜絕代多
情還自惜離群黃昏好伴羅浮醉預怕羗音別
後聞

平生富貴視如雲爽氣金天豁曉氛漢使雪中
驚皓首楚臣江上怨黃曛向天肯作炎涼態避
俗甘從鳥獸羣合在深山更深處清名翻恐世
間聞

右詠竹比逸民正士清介不屈也

斗峯五用氛字韻韻甚險而語甚佳了無
喫力處多多益辦其此之謂也不揆荒拙
輒用前韻戲賦近體二首錄奉求和

妙年高步上青雲銜命南來靜海氛倦倚竹
闌吟皓月閑臨梅塢立殘曛楚童誰和陽春曲
孫叟先空冀馬羣蝦蟇從今識麟鳳一時名姓
百蠻聞

欲上高臺望白雲嶺頭春瘴暗江氛孤臣去國
年頻改異地思親日易曛鴉噪古城交引子鴈
歸遙塞各聯羣可憐羈滯傷心事十附音書九

不聞

和斗峯用鮮字韻詠竹之作

玉節檀欒碧更鮮夜深涼籟動宮懸高標特立
三秋後直氣遙凌百卉前六月清陰寧受暑四
時寒色不知年入中題品誰能似只是夷齊與
老仙

次斗峯見示近體二首下篇以香烟為詠
而余未得見不敢作鑿空語只以述懷耳
兵後官居只小齋高春端坐惱羈懷髮無更白
身仍滯蒲又全青節自佳戰地烟塵迷壞堞衙

時烏雀集空堦城頭却向東南望馬島岑巒海

上排

冬至後五旬
七日蒲葉生

瘴鄉為客喜逢君一一新詩藹藹雲梅萼點蹊
飄素艷竹梢圍砌帶斑紋暫留仙旆春倚晚共
對芳樽夜欲分流水幾嗟絃久絕會看牛斗斂
冤氛

和斗峯復用東軒韻

北山新結一茅齋二載南州愧素懷風定石潭
晴更湛雨過松壁夕偏佳白雲空自春生苗綠
蘚還應日上階野性本多丘壑想未容清世怨

擠排

右憶海村別墅
即揚州牛耳洞

戲賦梅竹近體各一首用斗峯學士東軒

韻

老樹幽香滿一齋
玉枝冰萼爽吟懷
清高直愛風標別
淡白非關色相佳
春淺曉霜粘石逕
夜深寒月印苔階
允翁詩語真堪笑
對此全無恨可排

右詠梅

玉立森森蔭古齋
此君端可話襟懷
從今方外與為友
使我體中無不佳
雪霽翠陰春繞檻
月明清韻雨鳴階
三生洗盡氛埃累
莫許千年意

欲排

右詠竹

疊用前韻奉呈斗峯學士

斑鬢經年卧郡齋
喜攀瓊樹得開懷
飛蓬世路身何遠
敢羨交情境漸佳
五色彩毫銜擯命
兩枝仙桂轉官階
偏師却愧催奔北
白戰詞場筆陣排

斗峯去冬新中重試以侍講院輔德今陸宗簿寺正

二月十五日夜對梅有感而作前年是

月是日始到東萊

去年今夕客初來
月正成輪照老梅
桂魄又從今夕滿
霜葩恰似去年開
自慙素食都無効
誰

閨斑衣久未迴坐對物華驚西歲春風洒淚望
鄉臺

奉東尹參議靜春無小蘇正郎子實時兩
君歸自燕京

萬里朝燕君已歸三年老守滯天涯春風欲報
平安信日暮思親無限悲
憶別城南秋日斜叢梅東閣兩開花煩君莫問
蠻荒事海霧漫天風起沙
兵火連年村落稀方言土俗雜蠻夷錦城可樂
歸須早何況棗州非昔時

次斗峯學士贈智言沙門用釜山館絕句
韻

竹廊山鳥啁梅逕野僧來燕坐清無睡茶甌當
酒杯

夜坐聯句用落梅韻

梅萼初飄素東岳篁梢乍送寒笑談從夜爰斗峯留
滯惜春殘莫厭傳杯數東岳常愁會面難前峯月
又上斗峯羈思轉悽酸東岳

二月二十一日夜大雷電而雨二十二日
風雨晦冥夜又大兩二十三日朝雪滿山

顛天日清朗及午濛濛乍晴乍陰雨雹交
下北風甚冽氣象變幻節候乖錯吁可駭
也戲書以志之

昨夜雷雹裂大地今晨雪雹覆高崗陰陽闔闞
乃如此日月晦冥殊不常風峭未愁梅蘂怯雨
霏偏恐麥芽妨蠻荒老吏錯料事端坐憂時心
激揚

和斗峯次杜律韻記夢之什

東萊名府甲鷄林兵衛公迹盡戟森戟罷城隍
餘古址春來嵐瘴結愁陰銜綸佩印俱為旅戀

關思親共此心少駐三旬煩作夢况堪流落兩
秋砧

次斗峯再用杜律韻

使君何日返家林手種連除翠竹森松峽夜風
傳澗響石崖晴日印花陰南梅再發淹邊壘北
鴈孤飛感客心五馬却思初出郭滿城秋月亂
霜砧

次斗峯再用釜山城樓韻

海月頻看掛半環又聞林鳥轉綿蠻山陽卜宅
烟霞表嶺左分符瘴癘間莫道詩篇多態度自

憐心迹少機關知音賴有青雲士會待吹噓趁
早還

感事述懷奉呈斗峯用釜山城樓韻

古來天道劇回環蝸角誰教戰觸蠻萬事無過
溫飽外百年都在是非間人心慘似莫耶劍世
路險於函谷關坐據槁梧看物理曉雲飛起夕
禽還

夜夢高堂手握環覺來兒語半成蠻家書久斷
窮荒外客淚常傾落照間却記看雲玉河館仍
思叱御鐵門關南望北日心逾苦目送春鴻又

北還

玉河館在
嶺指為北
帝都指朝
天時鐵門
即鐵

次斗峯疊用釜山城樓韻

羈愁不斷似連環嶺徼孤城擁海蠻邑里荒涼
戎馬後梅花零落簿書間長卿謾說吞雲夢定
遠徧思入玉關嵐鎖故山春更碧只應猿鶴待
人還

馬背日月如循環夕走鞞鞞朝為蠻界沉毀譽
十年內南北東西萬里間謝字今復滯海徼越
吟正自懷鄉關何況慈顏向八表倚門經歲望
兒還

鞞鞞指北
道六鎮
帝京

赤墀高步響瑤環遠捧宸音慰鳥蠻綉節纒
回沙漠外文星旋動斗牛間才超藝苑風騷將
筆棄天工造化關想得髡首驚破膽老倪行見
一時還斗峯曾以御史回
自開西故第三句云
奇正毫尖劇轉環勁鋒端合掃諸蠻雲烟變態
吟哦內草木騰輝咳唾間風暖野花飛淡淡雨
晴山鳥語關關熬髭欲和陽春曲夢裏江淹錦
已還

書贈祖承上人還佛國寺次斗峯韻

聞說羅朝建寺樓碧題丹拱入雲浮禪家世界

經千劫客子襟期在一丘月仄講堂梅影薄烟
籠齋院鳥聲稠石橋回首春糧地深愧魚章負
勝遊

和斗峯復用寄尹叅議蘇正郎韻

嶺外重看塞鴈歸藥囊茶鼎寄生涯更堪今日
逢寒食拜向家山意益悲

簾捲東風紫燕斜一連春色屬桃花遙知鷺渚
生新漲日暮烟波半沒沙

如子高才古亦稀盛名今日動華夷龍鍾不恨
生全晚得與詩仙共一時華指為遠接
使從事時也

次斗峯寒食有感十二韻

瘴鄉蠻貊地寒食杏花天士女爭填道丘原共
裂錢官非永州吏心憶茂陵阡遠守東南微顛
驚日月旋杜公傷老疾張叟怨神仙冥漠斧牙
詠悽涼鵲噪篇胡山雉城雨遼樹鴨江烟六載
身飄轉三春意眇綿竹符仍絕城榆火又今年
感節腸空斷懷家信莫傳異時香酪煮何處彩
繩懸北望斜陽外孤雲礙嶺巔

次斗峯遣興初體韻

春城獨立看夕暉塞鴈去盡鄉書稀官庭寂寂

鳥相喚村逕漠漠花自飛仙郎駐節且莫恨老
守經年猶未歸夢魂不解身作客有時環佩朝
天扉

次斗峯絕句韻

日本於我國不共戴天讎也許以和好
實出無策斗峯學士承 宣慰之命正
月十一日來到東萊以待彼使之來者
今已三箇月而彼使乃馬島倭倭衙者
也曾以臘尾當到釜山遣人來報而只
是一水之間謗諸風逆迄今不至情形

狡詐良可恠也時己酉三月初八日

禮義終難化貊蠻 廟謨常墮覲覲間閉關學

取網縲什國體還應重太山

日東雲水渺津涯蠻舶來遲滯使華飛盡北鴻

萍又綠風吹旗脚向南斜北風連吹倭使不得出來故云

次斗峯偶吟近體韻

海戍氛清罷戰艘恭平休運喜重遭猩袍出價

臨鼉背缺舌歸朝覩鳳毛身下九天宣雨露筆

傾三峽瀉波濤會看畫像麒麟閣 王事驅馳

子獨勞

次斗峯學士再用艘字韻

憶昨滄瀛蔽賊艘大東形勢失周遭國讎未雪

須嘗膽 王業如旒尚豎毛即見桑麻遠鴈塞

仍傳玉帛架鯨濤老夫飽喫長洲飯空向清時

愧孟勞

次斗峯偶占長律韻

旅中多病變形容春事闌珊白髮鬆一壑蝸廬

甘霧隱二年龜鈕滯雷封敢言潘岳官差拙但

覺嵇康性甚慵坐想故林人寂寂傍巖虛碓水

頻眷

再用前韻戲述感懷錄奉斗峯吟案

出守真如阮仲容春來華鬢不禁鬆拂衣魯子
千金壽脫筵張侯萬戶封俊氣自嗟輸束縛盛
朝無處著踈慵日長鈴閣空書字颯勢掀山海
浪春

次韻奉謝斗峯學士月夕狂駕衙舍

玉露清談冰雪容月階花影亂鬢鬆排風雲翻
搏鵬路逐電霜蹄只蟻封狂顧便回元禮簡散
情終似樂天慵泥塗契託青冥上杵臼休言識
賁春

次韻奉和斗峯學士寫懷見示之什

白茅新筭膝堪容款枕黃堂午夢鬆傍海秋山
腸剗割遶池春草恨仍封一行作吏三年滯十
里思家萬事慵忽喜鏡中頭却變錦囊詩律聽
金春

次斗峯戀闕思親韻

南來車騎見雍容海出螺鬟過雨鬆視草屢趨
青瑣直上章曾拜皂囊封轄留廢館春光晚却
望嚴宸客意慵宣室只應虛席待會賡周雅詠
揄春

兩歲蠻貊負腕容霜毛頻緝禿雙鬆空瞻歸路
迴頭立幾作家書拭淚封徇祿口口紉紫養急戀
親方覺宦遊慵閑居保拙真吾事不要躬耕稅
足春

次斗峯疊用前韻

悔焚芝製抗塵容海上春深旅思鬆一畝菟裘
留斗屋二年寒食阻堂封林泉有約分符遠勲
業無心對鏡慵直欲棄官歸舊隱薄田堪免伯
鸞春

敢向明時怨不容羈懷偏覺八春鬆燕泥墜壁

書帷捲蟲網粘床硯匣封鳴玉紫宸復俊彥佩
符丹徵任幽慵蠻鄉土俗終堪恠坐聽隣喪夜
相春

賜祭詔使之來也迎接都監 啓差製述

官 上以邊封為虞特命勿召謹賦長律

一首用述鄙懷時萬曆三十七年歲在己

酉暮春上旬

瘴雲何處望桑鄉坐嘯蕪城歲月長小技盛朝
煩記憶 聖心荒服重關防理人每愧無佳故
戀母偏傷在異方歸計未成春又晚半遮斜日

墮紅芳

宣慰使啓中無聊命移花樹遍種階除戲
奉一絕

馬州琛舶幾時來看盡梅花燕又回認得使華
難遣日容堂移樹滿階栽

次斗峯種杜鵑花韻

玉署儒仙夢赤墀海城春館坐支頤空教駐節
愁凋鬢未得回車戒載脂枝上千年蜀帝血天
涯再拜杜陵詩栽花此日思歸地留與遐氓唱
妙詞

斗峯詩有夢緜集
林之語故首句云

三月十一日曉夢中偶占窓外空階階上
苔了無花樹有新梅一聯又得踈篁似識
騷翁意故向窓前送影來一聯覺而異之
補成絕句

窓外空階階上苔了無花樹有新梅前身似是
林居士心愛孤芳到處栽

簾幕惓惓午夢回一遮斜日下嗇隈踈篁似識
騷翁意故向窓前送影來

寄上五峯相公公時以觀象監提調奉
審胎峯于大丘府
昨夜奎光動北宸南來使節照青春慙非鸚

鷓洲前客忝逐芙蓉幕下賓一別三年再行李
兩家十事九酸辛魚符勒住趁風地日暮蠻鄉
鬢雪新

三月十一日曉大雨及午乍晴北風振地
徹夜不止十二日朝天氣凜冽泉水微凍
至十三十四日雲陰晝暄不得見日

嶺南風土本炎蒸瘴毒凌冬海霧凝初恠仲春
天大雪却驚三月水微冰青陽慘凜乖常序白
日幽陰表咎微憂國感時心緒亂小齋癡坐似
寒繩

次斗峯遣興韻

刺桐花發水蒲齊春晚築城海氣迷千里客愁
寒食過五更鄉夢杜鵑啼簾旌撲地風仍北嶺
樹連天日自西心折大刀關路迥幾時 宮醞
醉雕題

次斗峯謾成韻

又驚蠻地聽春鴻短髮滄浪已作翁捧檄可堪
初計誤望雲誰與此心同頻揮客淚看西日獨
待家書向北風最恨平生色養志異鄉無處寄
魚筒

題斗峯學士詩卷後十二韻

詩卷即到東

海嶠多年墮賊圍至今兵氣烏迴飛金鑿學士
臨丹微奎壁文星動紫微筆底腥膻一掃洒城
中草木搃芳菲劈開青嶂吞嵐靄灑出滄溟掇
貝璣好向客程探異境任從 玉事駐征駢瓊
瑰倒瀉鮫人室錦綺裁分織女機出水芙蓉去
雕飾追風駮駟脫羈鞅八音諧律鸞調吹五彩
騰空蜃吐霏渤澥衝颯輸駭浪扶桑瑞旭棄晴
暉郡齋此日花皆謝驛路初看雪未晞莫恠北
風翻作惡故令南國遍生輝

自正月以來西北風不止使來遲

斗峯云白頭老吏慙才退郢曲陽春和本稀

蠻使久不至 宣慰使斗峯李學士移赴

慶州率題以別時已丙三月望後一日

一春花木搃新詩蠻徼從前此會稀老病客中
心力弱暫時相別倍依依

重題斗峯詩卷後

春來看暑月三圓學士新題幾百篇卷裏風烟
收拾盡蓬山草木儘蕭然

春日書懷

分竹真分 北闕憂憂深南畝手鋤耨春來農

務日方急一雨一晴都是愁

三月十九日日本使臣來翌日設茶禮書
以志感

時玄蘇東堂為上官平景直為副官都
船主平智廣二船主平調宣三船主平
智次留船主藤永正進上押物源智政
卜馱押物藤調恒上官侍奉僧昌傳副
官侍奉藤永綱島主特送橘智正及伴
倘十一伴從十二水手二百八十四合
三百二十四名皆對馬島倭也往歲主

辰日本兵于我馬島為之前驅蹂躪八
道魚肉萬姓至於車駕播越辱及
先王陵寢此實我國家百世之仇也今
者既不能復讎乃與之約和不亦痛乎
憶昔鑿與避賊鋒償筵誰料禮雍容包荒
聖度恢天地懷毒蠱心慘蠶蜂謾欲羈縻甘示
弱那能激勵要除凶二陵回首餘松栢忠憤輪
困萬甲曾

奉寄五山車校理長律一首公時以製述
官隨遠接使赴義州余嘗與公同佐槎幕

而公曾作上本之行故篇內及之

三年不見我書丞筆掃千人老益能濟館重迎

天上 詔釜城初揖日東僧几村佐幕吾今了

壯歲乘槎子昔曾地角兩鄉同在眼只應離恨

入春增

三月晦日釜山城上作

落盡山花燕子飛一春歸計又成非 國恩未

報慈親老釜浦城頭淚濕衣

四月八日乃我東燈夕也斗峯學士留駐

釜山奉送新酒一盞兼呈長律一首

釋迦生日麥風暄國俗觀燈似上元共滯殊方
阻携手謾持清醪慰吟魂佳辰易過羈顏變寸
步相思別恨繁料得更深成獨酌月沉虛館海
濤喧

寄贈濟州金徽判官

海上孤城萬里餘百年民物因侵漁炎方此日

涼如水學士清風一掃除

浮世榮枯似纏微海中行役不須悲仙郎失意

青雲日正是遊氓得意時

夏日書懷

東坡全集卷之八
四十五
梅子青青榴葉丹蜀葵初發海棠殘故園歸思
此時切更有幽禽啼百般

雨中即事

風蒲獵獵水生紋荷葉田田雨點翻燕子似知
孤客恨故來梁上語黃昏

壽詞二篇寄上五峯李相公

中興勲業鼎彝銘夙掌絲綸賁太平邑號遠承
吳季札家聲高出李長庚新經楚節逢生甫久
托膺門忝薦銜擬辦壽詩千萬首年年一首貢
微誠

憶曾東閣曳裾時南極星光照賀危蒲眉又看
重午過桂花纔報一分虧料應膂力仍強健賴
有神明共護持人世至榮公盡占海瀕回首祝

黃眉

公初度即五月十六日也

金井山梵魚寺次漢陰李相國韻

步入石門逢晚晴松林五月風泠泠老僧相對
坐溪上日暮雲生山更青

梵魚寺贈惠晶長老

雲壑深深松逕迷遠尋禪院渡清溪道人邀我
石頭坐林鳥數聲山日西

梵魚寺贈妙全上人

杖策行尋古佛堂溪頭小徑入叢篁浮生半日
偷閑地却遣山僧半日忙

梵魚寺贈智安上人

樹深山鳥近人飛峽口雲巒碧四圍坐聽溪聲
歸路晚晴嵐濕盡薜蘿衣

梵魚寺贈道元上人

石崖迴逕入烟霏坐倚松根看夕暉蜀魄一聲
山寂轉頭三十九年非

謝惠晶長老以辛甘菜見寄

本草當歸
俗名辛甘

世味辛甘已飽嘗忍看山菜寄盈筐從來道是
當歸草要勸羈人返故鄉

九友居士兄自高陽香谷草堂寄滄浪成

君仲深詩來又以成君語求余和詩乃步

余韻也余於丁未歲宿香谷草堂實正月

二十一日時大雪初霽皎月如燭與兄夜

坐吟翫徹曉仍占五字數句題諸壁上成

君今年過香谷阻雪宿草堂亦正月二十

一日不但月日相同而雪夜清景又同我

者天公好事以草堂風致分付我兩人而

然耶前後同遇何其奇也成君遂用余韻
為之賦三篇因求和於余又何好奇之甚
也余一宿草堂三變寒暑來守萊山奄踰
兩春而萊去高陽千有餘里嶺海之陬瘴
癘之鄉簿書旁午鞭扑紛囂居常怱怱如
在夢寐中人草堂留題漫不自省置之相
忘之城久矣雪夜清景其何能復記耶今
讀成君詩舊跡茫然始認為真屢問俄而
追念情境宛然若在目前輒書此以歸之
俾作草堂一奇事也且余平日嘗竊慕成

君之風成君今者不以余為鄙既步余韻
又索余和抑非幸耶故首篇致區區之意
於成君焉至如雪月清夜一般意味不可
以形諸毫端兄與成君當自知之欲辨忘
言者其是之謂歟東谷道人書于東萊府
之衙舍

洒落牛溪翁曾襟如霽月滄浪正派深典刑非
朽骨平生聖賢書言外得妙趣寂寞老白屋一
飯孰三吐

今年草堂雪去歲香谷月素輝刮君眸寒氣砭

我骨豈惟清景同
野喜同真趣
何時九友子昂
望懷共吐

昔我過高陽
雪夜對皓月
爾來滯蠻陬
瘴毒樂
人骨清境已相忘
那能記幽趣
高篇發遐想
壹
鬱向誰吐

稟性樸直不能矯
勵忝守邊疆
今已歲
餘
發覺日生
話辱交至
在已違性徇祿
忘
歸寔古人所戒也
於是撫躬慨然
深愧平
生決意歸歟
告病乞罷
府中諸父老相與
勸留書以示之
時已酉五月初一日

身似沙禽畏網羅
世途平地起風波
折腰彭澤
真堪愧濯足滄浪
且有歌
君子去留唯義在
俗
兒輕薄奈吾何
直拋朱紱還茅屋
青壁千尋挂
樹多

五月初十日宣慰使因余謝病狀啓請罷
國法邊倖遠必待新官面代
然後發歸故
久留衙舍溽暑鬱蒸六月旬後
移居菴魚
精舍寓晶長老房

官罷未歸去
獨來山寺中
蹉跎百年事
一笑對
禪翁

梵魚寺聽溪聲而作

野性常愁事縈罷官方喜得閑行二年敲并
喧囂地來聽禪林石澗鳴

梵魚寺洞口作

攀崖躡石上嶺坑谷口藤纏古木攢雨濕翠屏
嵐氣重風鳴丹壑澗聲寒松陰坐聽幽禽語蔬
甲還供釋老餐心靜境空翻一笑十年塵土汚
衣冠

梵魚寺後有泉流出巖底味甚清冽

穹石覆蒼壁泉流甘且清渴喉試一飲炎景當

三庚始覺齒牙瑩頓令筋骨輕如逢黃叔度鄙
吝不能前

午景甚熱漱齒石泉涼冷徹骨喜而有賦
石竇清泉冷似冰臨流一漱洗炎蒸若教世上
貪夫飲曾次還同水鏡澄

梵魚寺即景

霏霏嵐翠濕瀟瀟松籟繁不知山雨密但恠溪

水喧 右雨

雨罷山更新象綠潤如沐白雲忽紛披清旭散

林麓 右晴

雲深不覺曙日出僧尚卧林鳩自多事隔户鳴

相和 右朝

晴嵐噴海濤白日迷山逕坐看宿鳥歸認得林

壑暝 右夕

地闌人不來僧閑晝自永山居無刻漏日午辨

林影 右晝

松月發孤照溪風息衆寂夜入山氣寒鷺禽時

一叫 右夜

梵魚寺晚起

旭日上林表雲景澹清曉石樓僧未起城市方

擾擾

梵魚寺月夜

雨止溪響急山空孤月明中連坐深夜風露不

勝清

梵魚寺雨夜

古剎雲林下風泉雜雨聲本無塵世累中夜意

彌清

惠晶長老請賦一詩刻諸石上以為後日

之覽輒書此以示

德水李居士萊山晶上人烟霞一古寺丘壑兩

閑身掃石苔粘屐觀松露墜巾蒼崖百千劫短
什是傳神

晶和尚設飯詩以謝之

梵魚古精舍老僧名惠晶我來宿其房晨起具
飯羹羹以煑錦羹飯以炊玉粒松枝斫為薪寒
泉瀾石鑄新蔬三四品飢盤俱眼明山蔘淨如
雪澗芹甘似錫蕨芽與菁根調笔椒薑并最喜
揮龍兒和露斲斑莖始覺匙筋香忽使肌骨清
兩歲慣南食腸肚厭腥鯖淡泊禪家味洗盡塵
累嬰一笑謝和尚飽餐感素誠方丈信非願滿

腹豈求羸人生此可樂出彼五鼎烹

梵魚寺曉起口號

白雲生遠壑落月半峯明晨起漱石并子規二
兩聲

留別敬祖上人

長老曾無出山日使君歸去絕來期一溪流水
月正滿只是兩鄉相憶時

六月二十一日發梵魚寺遊通度寺寺在

梁山郡北四十五里鷲栖山下

碧巖鏡天石洞深緣崖細逕入叢林禪關白日

無人到坐聽松泉奏玉琴
白雲深鎖洞門幽松桂陰中響碧流步入梵宮
僧不見數枝花發古巖頭

通度寺次道林上人韻

松檜交陰佛殿虛老僧齋罷磬聲餘苔階坐數
歸林鳥愧殺雲山未卜居
一鷓啼徹五更頭月黑松林水暗流默對道人
心却愧左魚經歲阻清遊

六月二十二日發通度寺如慶州性源上
人送至清流洞口願得一語以為後日面

目下馬走草時上戶亦向興海郡寺

鷺棲山下清流洞逢著源師路却分此後清流
常入夢夢清流處便思君

慶州館作

落日鷄林國傷心鮑石亭一州仍六部三姓了
千齡苑廢川雲黑城空野草青山河又經戰玉
笛不堪聽

六月二十五日還到通度寺書示仁暹上
人

六月清流洞松風作雨聲吾生何太苦此去又

南征

次妙彥上人詩卷韻

李相名聲重太山崔公筆力漢秦間陽春自古

稱難和撚斷吟髭只汗顏古詩後

甘露禪房倚鷲山玉泉流出彩雲間若教此地

成真隱不待仙丹可駐顏右詩通度寺寺意

通度寺次仁暹上人韻

滌盡塵襟骨欲仙佛齋款枕聽鳴泉仁暹雨霽

清如掃日暮星河滿洞天

鷲峯仙洞碧雲重更著詩僧似已公後夜石壇

山月上鶴翻涼露滴高松已公唐僧齊記

心似冰壺本自空僧廬更在竹陰中蒲團石枕

清宵夢便逐青牛白兔公

通度寺贈文慧上人

一壑涼風洒碧泉山門六月似秋天禪僧手掃

長松下閑掛袈裟坐石眠

雪崖苔蘚翠成紋松影連橋石路分日午上方

齋飯罷小鍾聲徹一溪雲

七月初一日發通度寺抵梁山書贈戒行

上人

沙彌相送寺門前三日祇園亦一緣堪笑浮生
何處之澗聲山色倍依然

留別智禪上人

鷲溪之水鷲峯雲一出山前各何處吾人聚散
正如此此去無因更見汝

府中諸生采餞梁山率題以別

乞佩銅章導板輿海陬新命換魚書緋衣竊喜
恩榮重素食常嗟政術疎病得罷休甘拙分去
無留愛愧虛譽感君百里勤追送八袞慈顏正

倚閭

曾以監司狀啓濫蒙
褒恩故第六句云

謝惠晶長老寄鞋

山中遠寄兩芒屨正是解官西去時好向松溪
訪林壑石蹊隨處憶吾師松溪在
牛耳洞

題嶺南新樓

嶺南樓之勝號為南中第一樓舊有堂
東曰凌波西曰枕流俱燬于壬辰之兵
鞠為丘墟今防禦使奇令公孝福刺密
三年政成多暇乃就樓之東古址恢其
形制新建一閣址則堂而勝則樓也余
自蓬山辭病北歸公邀與登覽請為文

以記余觀樓燬迄于今日經幾何歲月
閱幾何守宰嗚嗟之間突兀眼前一瓦
一木費不及民公之賢也豈非密之遭
歟密既得公而閣公又得余而屬以記
其亦遭耶余雖不能為之遭於公閣始
成而余先登焉其在余抑不可謂之不
遭也然余不文行又不暇况樓為嶺南
第一記則何敢姑綴近體三首略叙其
遭云爾後來君子幸勿以詩觀時萬曆
三十七稔歲在己酉秋七月上澣乃我

聖上即位之元年也

鳳曆龍飛第一秋密城重起嶺南樓烟霞縹緲
蓬萊島草樹依稀鸚鵡洲時與事新關泰運地
由人勝得賢侯長山病守非崔顥醉墨還題景
上頭

城頭新閣勢凌雲碧樹晴川媚夕曛百里謳謠
賢刺史太平功業老將軍指揮能事恢心匠防
禦雄藩倚斗文自此憑闌幾千載江流長共政
聲聞

凝川古樓雄一邦新構崢嶸誰與雙海上象山

連北岳嶺中諸水聚南江野橋雲暗雨鳴檻沙
渚月高風滿窓可是天公偏餉我興來那得筆
如杠

次嶺南樓舊韻

樓舊有詩板押天字韻自麗季及我國
朝和者至二百餘篇而都七谷李陶隱
諸公之作膾炙人口余竊慕之輒不自
揆敢蹈續貂之譏云

華樓重建中興天新詠誰凌麗代前駕洛諸山
皆在下赫居故國此為邊風帆漠漠歸晴浦島

樹蒼蒼入暝烟千古名區落成日白頭才盡愧

當筵

飛簷千尺出層天釵浦東涯鳳啣前隔岸人家
竹林外傍沙漁艇荻叢邊川晴崔顥詩中樹山
紫滕王閣上烟三日倚闌歸不得使君重啟一

金筵

七月七日秋雨天梧桐一葉飛遮前驛程千里
畫樓底羈宦三年炎海邊南北征人水上梗古
今往事風中烟秦山目極幾時到夢著菜衣趨

壽筵

七月九日乃余
慈氏壽辰故云

嶺南樓重題長律一首以記即景

落日來登城上樓海門天闊鳥飛愁山如巫峽
排雲出川作巴江遶郭流兩岸平沙白雨過一
郊寒樹碧烟浮夜深孤月上遙渚風露淒淒蘆
荻秋

贈幽谷驛吏方胤男

容齋先生集有方絜吟又有方絜詩叙
曰幽谷舊有文匡公記釘于壁燕山甲
子公被害官命撤去驛吏方絜藏之謹
及反正復出釘之當時士大夫用心有

能如絜者乎余嘗讀此賢其人而高其

義今過幽谷問之則胤男絜之後也喜

與之語書以志感以貽諸家於斯路於

斯者也胤男父九九父平平父一
一父絜絜乃高男高祖也

容祖過幽谷再題方絜詩涵天甲子禍掃地文

匡辭驛吏昔如許士林今有誰百年逢亦裔相

對一吁嘻文匡乃洪
公貴達也

戲題龍潭容齋先生集有海島南遊嶺南

三錄錄中有文龜院龍潭等詩

容公此地到曾三卷裏山川盡嶺南龜院有靈

應拍手後孫無句過龍潭

七月十六日烏嶺途中作

峩峩烏嶺道下馬恟攀緣石磴全無土雲峯半入天慈親垂八袂故國別三年不吳還家日羈心更惘然

烏嶺嶺上口號

石巘緣雲路百盤馬蹄穿盡一山間絕巔纔上日亭午徹地采光更炙顏

戲嘲烏嶺

突兀層巒石作巔危途直上半空懸如何未截

蠻兵入隔斷西南謾刺天

七月十八日自忠州金灘乘舟下峽

倦馬纔經嶺路蟠又乘孤艇下回灣宦遊有味今方認劔閣瞿塘一日閒

舟中記興

朝發金灘口驪江日未斜蟬鳴兩岸樹鷺睡一汀沙瘴雨蠻城僻羸驂嶺路賒涼風吹掉急况是近京華

題麓寺

壬寅八月以湖西京試官曾宿是寺

江頭曾宿梵王家八載鳴撓又一過雲水舊青

沙舊白行人新得髣髴多

七月十九日阻風斗尾

斗尾或云巨彌

峽口灘鳴多北風蒹江波浪白連空孤舟泊岸

不得渡愁對三山烟雨中

三山乃三山

舟次斗尾望道峯山喜而有賦

斗峽舟中望漢城雲頭一抹道峯橫二年炎海思歸意纔見鄉山眼便明

舟中書懷

銅章新擢珥貂班兩歲孤臣守海灣未把一毫酬
寵命扁舟空載病身還

附倭使酬唱詩

宣醜禮畢設讌行酒蘇上人座上賦索

和甚勤走筆書贈

三月二十五日

薊門千里入堯封玉帛東來象譯重一杯宮酒
春風裏六十六州歡意濃

附原韻

玉壺天酒剝黃封嚴肅威儀同九重
恩澤轉深東海淺洗空萬里容愁濃

東海臣僧玄蘇

次韻贈蘇上人

使星遙布紫泥封咫尺宸居瑞霭重東海老人
三稽首春光爭似 聖恩濃

附

鄉信未通書一封可憐孤客思重重請君以
我莫為賤僧比蜀茶風味濃 仙巢

次韻示蘇上人

賓館新開鐵鎖封海城花樹午陰重從容樽酒
相逢地彩筆題詩醉墨濃

附

客路幾山雲半封官廳今見玉樓重開門歛

灩湖光發併按西施宜淡濃

仙巢

仙巢上人以為蓬萊守戲示一絕要得

仙方次其韻而答之 東巢別號蓬萊

聽唱陽春曲引商水沉香裏坐繩床蓬山老守
非仙子只有醫民第一方

附 原韻

咫尺君家參隔商館中只願語連床病身白
鬢治無術分我蓬萊却老方 仙巢

次韻贈蘇上人

中興 王業軼周商鈞尊我冠拱 御床四海

即今清似鏡 聖神威德壓殊方

附

四老安劉本出商 卑辭厚聘召登床 儲皇

萬歲踐新祚 闔國仰高天 一方 仙巢

即席次韻答玄蘇上人時盤案上設尊菜

上人引以張翰事便有促歸語且上人詩

中歸思甚多故篇內解之 四月十八日 畫奉杯作

尊羹不必惱歸心且酌芳樽慰客襟咫尺馬州

春色裏水天相映絕雲陰 春色比 王化絕 雲陰喻治象清明

附 原韻

羈愁爭上貴人心歸思茫茫病我襟客裏早

驚光景過鳥啼花落綠成陰 仙巢

即席次蘇上人韻

無物可娛賓深慚作主人如何憶歸處更薦季

鷹尊

附 原韻

勝遊忘主賓對酌兩三人雖有淵才恨可看

性冷尊 仙巢

即席次玄蘇上人韻 四月二十二日 宴亭時作

風雨從他不足愁夜來蓬屋艤沙頭只應杯酒

東岳集卷之八
偏相適海客當時好狎鷗
風雨指兵禍杯酒言
誠信通和也本無故
宣慰使與倭使語及約條
動兵得罪我國歲遣舟隻
平景直乃大怒曰貴國若
發恐喝之言故答之以其
禍恐味我自備今復何來
絕其疑畏之心如海鷗之
講定時果滅定歲船隻數
彼使等終不敢違拒而去

附原韻

醉則消愁醒則愁
祗緣閑事掛心頭
臨筵覩物自堪愧
江上忘機一白鷗

即席聯句 同上日作

勸君更盡杯
仙集海上青山暮
斗峯兩國一堂

中東谷弟兄情視古
仙集

東岳先生集卷之八
萊山錄終

東岳先生集卷之九

潭州錄

萬曆三十八年庚戌二月二十一日丁
卯授潭陽府使二十九日乙亥拜辭出
城三月二十日丙申謁外姑黃夫人於
清州衙舍丁酉宿弓峴翌日奠從母
金氏墓己亥次沔川郡城山村庚子宿
客浦別業辛丑拜掃先塋壬寅蒞行闈
三月初三日戊申次潭陽府正覺山初
四日己酉入府越明年辛亥二月初四

日甲戌以省墓乞暇因奉大夫入而行
二十一日辛卯入京城因留不還三月
二十五日司諫院以曠廢職事論 啓
請罷在官凡三百二十四日

庚戌二月二十一日除授潭陽府使二十

九日辭陞出城湖使曹啓曰潭陽有山城為

尋常差遣令備邊司議

三年不見禁城春東出都門草又新紫綬縵拋
蓬海上朱轡却過錦江濱那知保障輸屏懦未
有絲毫答 聖仁大馬微誠偏總關五雲回望

鬢成銀

凡材不敢望時豪出佩銀章久覺叨 寵獎顧

慚 恩謬被余在東萊時監司 襲病歸方懼責難

逃余自東萊呈病罷歸故還除外任 虛名又玷朝廷薦盛世寧

辭郡邑勞甘旨却供烏鳥養直勝華省歎斑毛

二月二十一日鶴谷洪輝世令公以關東

方伯辭朝而行是日余拜潭府乃以二十

九日啓程之任適奉鶴谷行到原州驛館

見寄別什輒草近體一首附諸歸使

玉節東征未浹旬却分銅虎出南垠窮途本覺

朋交少盛代誰憐旅宦頻我捧潘輿猶戀主
君辭魏闕更離親詩筒驛路煩相問一種年華
兩地人

次洪監司輝世令公原州道中見寄之韻
別後相思意詩來若合符官途兩迢遞世事一
嗚呼髻鬢心偏切榮枯迹豈殊自今書更斷征
馬向南驅

二月二十九日乃春分也國法守令過春
分後不得挈眷故二十九日奉慈侍出東
門駐臺山別墅以待邑人來迓乃於三月

十六日渡三田津登道南行馬上口占

一着朝衫十二春北關西塞遠遊頻端城雪壓
隕山頂菜邑雲蒸瘴海濬此去更知何日返孤
身常作異鄉人廣陵津上湖州路立馬東風望
紫宸

三月十八日振威道中作

甌峯萋嶺撼荒陬末路浮生不自由南走又為
殊上客北歸纔得判年留誰憐老母專城養便
作孤臣去國愁驛堠忽看畿縣盡亂山殘日駐
征騎甌山在端川萋山在東萊余於前年
七月自萊還京今又出守故頸聯云

題新昌縣拱北亭

纜解萊苻旋刺潭新昌縣裏秣征騷山川忽覺
登臨再歲月仍經伏臘三古閣况堪名拱北微
臣不要志圖南華峯已隔湖雲遠春晚郵程柳
自甦

過德山縣高山里訪李子善榮幽居山花

滿村迷不知路回馬出洞口號一絕時三

月二十三日

尋君疑入武陵溪籬落烟花到處迷空看馬鞭
回出洞亂峯斜日子規啼

李子善聞余空過走人來邀書此以寄

去歲曾從此路過南來春色又桃花一官奔走

鬚如雪羞向龍溪處士家

渡白馬江憇扶餘縣

三月二十八日
是日宿石城地

去年鮑石亭前過今日高蘭寺下來朴祖一千
靈運繼温王七百霸圖開諸陵變谷通幽徑獨
樹無枝偃古臺兩地分明興廢事山河依舊使
人哀

扶餘館用板上諸公韻

西窮大海北溟河統骨扶餘為一家是時三國

若鼎峙溫祖達邗奇瑞多霸業綿綿七百祀併
吞馬韓開耽羅泗泚新都壯且麗前築叢臺後
章華成忠不食義慈醉滿江風雨飛宮花旅墳
何處傍歸命故城荆棘暗銅駝大唐將軍蘇定
方斷碑至今傳凱歌客來弔古春日暮白馬江
空生綠波唐高宗朝遣大總管蘇定方帥水陸
兵十三萬渡海而來伐百濟虜義慈
王及太子大臣等而去百濟仁義慈王
在唐病死帝命葬孫皓陳叔寶墓側

寺門春晝鎖寥寥獨上江樓逗客撓霸業烟沉
時已變香魂花落骨全銷一方形勝餘天塹萬
事盈虛看海潮今古笑來皆夢幻不須蒲柳怨

先凋右題高蘭寺

青山寂寂水奔流歇馬春城上古樓七百年來
歌舞地夕陽空照一漁舟

釣龍臺

百濟荒城日自斜江山都屬野人家東風不管
興亡事開遍釣龍臺上花

落花巖

憶昔新羅如月新成忠不悟是忠臣落花巖上
千年恨一鳥春風啼向人

二月二十九日發石城甌山村過恩津縣

蘇礪山郡宿全州參禮驛京畿之界盡於

盡於思津礪山乃湖南地也

振威已過 王畿界又見湖西限市津回指漢

城身日遠礪陽芳草正愁人

閏三月初一日參禮驛作是日過金溝縣宿秦仁古縣內

白馬江頭過古墟甄萱城北宿蘆廬山河表裏

分區域草樹高低繞里閭閻歲春風三月後客

程鄉夢五更初潭州未到先思罷興在新川釣

舊魚臺山別墅在於廣津之下新川之上 閏三月初二日踰鷓鴣峙嶺次淳昌袞坪村

初三日踰大小夫老只兩嶺次潭陽正覺

山途中口占

野草山花着處新一般生意十分春東風落日
江南道無限羈愁獨此身

閏三月初四日入潭陽府夜坐書懷

一出秦城兩度春東風五馬又南垠才非阮守

甘青綬心似潘郎戀 紫宸夢竹參差田店廢

蜀禽哀怨野花新郡齋中夜回頭望秋月山高

礙北辰

鄭秀才大挽詞故承旨諱淹之子居光州乃我再從妹夫也

鄭公鄉里沒遺塵三世名家屬一身疾病易纏
雲雨夢田園都廢聖賢人青氈舊宅誰為主白
髮高堂却有親野草春深先隴路但看孀婦送
輜輪

春後戲占自到潭陽作詩甚踈

碧桃花落鳥聲中燕坐燒香別院空身老漸知
心更懶了無詩句到春風

飲淳昌館乘月醉歸醒後記興

細酌官樓到日西歸鞍帶月路全迷醉中詩興
猶能記卜里飛花滿一溪

羅州席上醉中戲書

錦城新館宴諸賓最是山公醉態真倒着接羅
扶上馬一時驚動數州人

落日高城羯鼓催綺羅成隊玉山頽使君本是
風流守爛醉顛狂不自猜

郡齋閑居喜聽風竹

平生愛立聲老去厭簪纓郡閣幸無事卧聽風
竹聲

風詠亭次壁上韻亭在光州北仙滄里故

公之庶子光符及孫致遠等時居亭下

憶昨南州戰不休荒墟到處堪愁羨君卜築
傳三世依舊風烟護一洲松籟嘯簷山雨過竹
陰籠砌野禽留蒲團聽說閑居味十頃黃雲大
麥秋湖南一道自經丁酉倭賊兵火村舍蕪
落盡為丘墟風詠古亭端然獨存故云
百年身計四宜休五馬南來萬種愁偶上古亭
臨遠宙却思新墅枕長洲芰荷對立碧纒纒揚
柳雙鳴黃粟留直欲拋官不待滿廣陵歸趁菊
花秋

壽詞二首寄上五峯相公

昨夜南星傍北辰左弧門館慶生中蘭亭癸丑

周子紀楚節端陽浹一旬平世文章資黼黻暮
年勲業照麒麟期願合得神明儻永作朝家柱

石臣

東閣稱觴憶六年海榴應復照賓筵功名已極
朝中貴風骨還同物外仙手濟世艱曾扈聖
心知天祐故生賢壽詩千萬真非誕今日方題
第二篇

景陽館戲示李男秦察訪

對酒了無興聽歌空自愁三年別京國白首又
南州

題竹軒軒在衙舍之後庭前竹林蒼翠如
雲風至瀏瀏爽氣徹骨嘗在東萊時解字
中有梅數十株自臘後至仲春次第盛開
每於月夕吟玩其下故戲書以言之
萊州館裏梅簷月潭府堂前竹塢風去國三年
吾底恨兩般清致荷天公

贈雲逸上人

師號高峯南原人也壬辰海賊之亂以
義僧從軍功勞積著受訓練正職帖今
差全羅左道總攝勾管金城修築之後

領率緇徒營建寺刹住在城中專掌守
護之任將以備南北緩急之虞也

南國無奇士東林得元師朝廷置總攝保障伏
慈悲努力經營地輸誠板蕩時白頭叨虎竹空
愧倚 恩私

次石洲權汝章韻題姪檝家壁上去年春
余守東萊汝章客遊湖南過古阜雨日里
從我再從姪檝飲留贈一絕有見憶語今
者汝章在京余來過檝城以汝章詩求屬
和次其韻而贈之

杏花零少竹籬邊恨別題詩說去年惆悵殘生
各流轉幾時同醉一樽前
雨覆雲翻白眼邊吾家賢姪可忘年時過巷南
寬勸哭一盆春酒竹林前

奉次拱北堂韻寄上順天柳使君詠令公
見說篁林畫閣深坐消長夏美瑤琴誰知舊日
觀風使自有猶懷報國心公曾為嶺南方伯

此去昇州更在南想應華髮正鬢髮殷勤雙鯉
頻相問坐詠高篇一日三魚公屢以海

奉寄順天府伯柳令公用拱北堂韻

公之刺定府也僕守端郡甲辰暮春初
僕以事過定曾賦絕句曰佳人莫唱望
江南云云公亦見和今者僕典潭而公
莅順蒙示拱北堂兩篇其一適是前韻
第其次不同爾自甲辰迄今庚戌僅七
年之間而人事百變能不愧然茲敢疊
用南字以述感懷是夕宿雨初霽月色
如畫棲鵲驚飛相與鳴噪吟諷不寐即
駕情景非強為押韻而已時萬曆庚戌
六月既望也

共投關北又湖南七載悲歡白髮髮忽把清詩
吟對月夜深驚鵲繞枝三

奉次淳昌沈明府韻

夕雨初霽風泠泠楚竹響如寒玉切官齋此夜
憶鄉園獨步空庭曉星沒

次一珠上人詩卷韻

昨夜梧桐雨郡齋秋氣多便思投印去鄉野趁
黃花

作吏身仍滯歸田計未成秋風今又至孤夢繞
林梢

送一珠上人遊智異山次軸上韻

東西南北各山四圍慣頭流第一奇病卧官齋

秋又到鬢絲慙愧送僧時俗稱我國四名山東

南智異山

寄送禮曹趙正郎持世以謝 恩使書狀

官赴北京

腹貯萬卷文眼空千載人所恨繫海左不得觀

天下前年擢甲科今日朝 皇家信是丈夫行

誰為兒女情

俛仰亭次壁上韻

亭在府南十里許故四
宰宋相公諱純之宅也

晚歲退休作亭以居以終老

名利關人勇退難廣平黃髮卧巖巒凭闌尚想
懷全曠題壁偏驚字已漫山日欲沉嵐彩合野
花初綻雨痕乾九原可作鞭堪執高義青雲直
上下

湖南形勝此山川九邑峯巒一檻前謝屐平生

煩夢想習池暇日好留連沙禽噴帶溪橋兩岸

樹秋凝野店烟不用老夫新着句相公歌曲至

今傳松韻製後仰

畫簾高出竹陰幽七曲青山第一頭瑞石北來

晴嶂斷弗臺西望夕嵐稠隔溪紅雨桃花晚覆

野黃雲麥穗秋想得扶藜倦仰日羲皇世界信

無愁悅有地仰有天亭其中與浩然招風月揮

羲皇世界無愁等語用倦仰亭歌辭

昔聽無等曲誰謂此亭來鶴翼翻雲外龍腰縮

水隈晚霞紅綺散晴宙翠屏開認是真仙宅吟

懷不自裁龍仰亭歌或稱無等歌

題守真堂

堂在風詠亭東麓亭主金光符所居之室也

竹裏茅齋僻苔庭絕點塵烟沙一面水花木四

時春耕釣堪終老琴碁且樂真蕭然北窓下方

見舊天人

夜宿仙滄里林深草閣幽芭蕉五更雨聽醉一
年秋簪紱非吾好丘園八客愁遙知廣津畔黍
稷滿西疇

與白進士善鳴南振林進士子立得同遊浩

歌亭亭在光州西馬谷里故鍾

村晚青烟合江空白鳥迴高亭本奇絕更與可
人來

竹外人家遠沙汀下夕暉溪山應有力留我不
能歸

題浩歌亭為柳秀才珣作君即鍾城

落日山明水映天隔溪孤店起炊烟松林石磴
清如洗坐對沙邊白鷺眠

玉環飛鷺本殊姿南國名亭各自奇俛仰超然
風詠靜浩歌還可賦新詩潭陽之水而注光州

風詠為浩歌名於南中論者相甲乙故云浩歌亭曉起即事次鋒上韻

沙村寥落渚禽啼露滴高林月欲西汲水老僧
晨起早自携銅鉢下幽蹊

郡齋秋夜作

東岳集卷之九
十一
憶渡京江始聽鶯府庭今夜候蛩鳴年裏忽覺
添羈思性拙方慚損鼓聲大抵湖中風土惡自
從兵後吏民孳錦城縱樂歸須早何況潭州異
錦城

秋日題郡齋

四年三佩左銅魚身似流萍不定居草木變衰
催節序山川寥闊阻鄉閭曾從肺病盃觴廢更
被官忙筆硯踈坐見夕禽投樹盡老夫歸計在
樵漁

贈別鄭河

渭外黃龍國湖中秋月城十年一見面千里兩
傷情翳翳燈燭影蕭蕭風雨聲明朝又相別其
奈共殘生

重贈鄭河

夕雨滴梧葉涼風生竹枝羈心自悽切况是別
君時

遊無等山

昨日霜葉早明日霜葉老寺僧迎客拜洞壑秋
正好

以蟹酒二物奉寄鄭子羽

東岳集卷之九

十一

進士邀與賞

菊

左手持螯右手盃期君一醉菊花來秋光正好
不同賞爭耐浮生老易催

九月九日書感承聞是日 謁聖取士壬

寅重陽曾以侍臣從駕 謁聖

泮宮聞說闡新科正憶 先朝捧翠華日暮古
城人寂寂白頭垂淚對黃花

次德連上人詩卷韻

一笑龍灣館春風共倚樓天晴鴨水綠日暮鵲
峯青湖海今重見星霜問幾經秋齋兩夜語要

與遜巖庵

洪楫上人自長城佛臺山來訪衙舍以一
絕為贄索余語甚勤盛意不可拒輒次其

韻以贈

為覓新篇到郡城老夫才退愧詩聲小齋終日
空相對寒葉蕭蕭落滿庭

一秋多病卧荒城官閣惟聞野鳥聲忽喜林僧
携偈到竹梢寒日下西庭

夜坐聽琴

竹西孤月下簾鉤落葉無聲夜閣幽一曲絲桐

千里恨廣陵烟水夢中秋

秋夜述懷

短角鳴鳴報閉門棲鴉初定遠林昏幽蟲近壁
鳴相和亂葉侵簷落自翻老去病骸疲簿牒秋
來羈夢繞立焚空齋坐覺年華暮未解腰章愧
聖恩

次廣源上人詩卷韻

風打踈桐雨滴秋郡齋東望近頭流投箸直欲
携師去青鶴峯前寺寺遊

義淳上人以栗谷先生贈其師祖惠長老

詩來示索和敬以其韻而贈之

栗谷先儒我宗丈惠師名釋爾從遊還將絕韻
煩求和見世那無第一流

奉次磐桓洪群玉璫典籍見寄之韻

千載黃河孰見清大材休說晚當成鏡中燕額
凋雙鬢案上龍韜滯一城俊氣直思吞海竭壯
心終擬拄天傾虛堂夜坐頻彈劍却恨荒雞是
惡聲

缺牙方慕舌全柔自昔騷人怨處幽鵲噪鴉鳴
昏落日蘭凋菊悴凜高秋淳風不復回三代巨

海誰能到十洲只欲釀成千斛酒招呼一洗畔
牢愁

題山城南門樓上

淳化群峯遠郭青郊墟俯瞰界鳴平地無百里
徒名府山本千重且等城驥足謾從轅下踞龍
光應向斗間橫雄韜未展流年促獨倚虛樓愧

聖明

淳昌別號淳化昌平別號鳴平本府境內
東西三十里南北四十里山城東門外即

地也

郡齋書懷

霜風昨夜落庭槐鈴閣翻驚歲籥催心懶本無

干祿意性迂爭有理人才謬膺朝命吾方懼未
化氏風衆互猜公粟可慙身已老只須歸剪故
山菜

秋日郡齋風雨暴至覽物書感

郭外荒原連遠村霜林蕭瑟葉飛翻北風動地
雨聲急西日沉山雲色昏孤鴈翩翩欲何托亂
鴉攫攫自相喧獨扶筇竹立虛檻異地難招羈
客魂

謝鄭進士子羽以松茸見遺

獨憑烏几了陰晴霜葉堆階蟲亂鳴十顆松茸

一紙札此時偏感故人情

俛仰亭書示梁提督子漸

歲暮羈襟鬱不開
蹇扶藜杖上高臺
寒蕪落日孤村暝
古木清秋遠壑哀
京國迢迢雲北去
天時衮衮鴈南來
山川信美非吾土
徒倚虛欄首更回

俛仰亭次梁子漸韻

廣平鄉里舊林臯
登眺偏忘簿領勞
西望川原何處極
南來形勝此亭高
才慚謝守裁詩妙
氣比山公仗酒豪
却向秦雲搔白鬢
秋風吹葉落

蕭騷

九月晦日竹軒雨中奉次磐桓洪典籍群

玉韻

一庭零葉滿池頭
竹外翻飛宿鵲稠
天意亦應悲節序
故將風雨送殘秋

即席走筆復用前韻

高步詞場第一頭
鏡中無那鬢絲稠
對樽今日悲歌意
湖海蕭條又送秋
揚州北望坐搔頭
日落孤城亂嶂稠
開盡黃花不歸去
一年空負故園秋

東谷集卷之九
臺山別業廣津頭籬落蕭然竹木稠斗粟誤人
歸不得夢中猿鶴怨深秋
五馬初離漢水頭花開驛路曉鶯稠黃堂坐嘯
成何事歸鴈聲中自一秋

郡齋日夕

西風吹葉滿庭翻野外啼鴉集古村日暮更堪
寒雨急郡城無處望鄉園

贈李萬戶用濟

萬戶故觀察使李公用淳度弟也以武
科出身歷官軍器寺主簿曾為群山浦

水軍萬戶卜居井邑縣內自號亦樂堂
水軍老萬戶不是古侯封妙畧拋黃石高情嚮
赤松柴荆從寂寞勳業在遭逢報國心猶壯清
秋拂劍鋒

注簿閑居地湖南大道傍功名休汗馬世事看
亡羊塢竹千竿碧庭梅一樹香已知貧亦樂高
枕卧羲皇

許別坐齋挽詞

七袞猶稀六又加誰知仁壽發賢嗟樂符琴瑟
終諧律慶毓芝蘭互茁芽蓮榜蜚英精典藉粉

鄉逃亂老桑麻生稱死表真無憾邑里應傳積
德家

追酬松湖白善鳴進士秋日見寄

曾聞玉山佳今日首頻回草聖疑名旭詩窮恐
姓梅素書秋後絕清興雪中催一棹期相訪携
琴步月臺

憶逢三月閏還見一陽回客宦淹分竹天時近

放梅素餐無所補華髮自相催只欲投簪去東

江有釣臺

余以閏三月上任
東江指廣津別業

奉簡白善鳴兼寄橘屋尹司書說景說學

士

不憚分符遠方期對榻頻何言三日路尚作兩

鄉人梧葉秋堂雨梅花雪逕春未因同把酒雖

恨益紛纒

奉寄橘屋尹景說

春坊舊學士歸卧海雲隈甲子輸詩卷行藏仗

酒盃誰憐遭聖代處老謫仙才十載煩相憶

無因見驛梅

奉簡松湖白進士兼示橘屋尹學士

橘袖寒初熟馨香晚更佳露苞黃映牖霜葉綠

疑塔肯惜蘇州摘方思陸績懷筠籃三百顆萬
一寄官齋

冬日題郡齋

傍池官閣僻憑几客身孤
一罷塔前竹風翻屋
上烏白頭逢盛世朱紱滯窮途萬事呻吟內空
驚歲易徂

雪後登山城

積雪滿南國北風吹倒人
高城獨搔首一望廣
陵津

雪中題竹軒

惡雪洒階竹天昏風色寒
官僮笑太守竟日獨
憑闌

竹軒對雪作

雪裏竹更碧竹上雪逾白
此時小堂空默坐岸
玄憤骨冷魂自清遠我吏隱
這便欲御風行高
揖瑤臺客

贈敬悟上人

梅向春前動僧從雪裡來
新詩正滿眼吟苦不
能裁

除夜

關北州義海嶠東擊擊豸驅疫又湖中梅

花嶺隔乾坤遠婺女星回日月窮鈴閣每驚新

甲子劔歌誰念老英雄擁旄四十非吾事欲向

滄浪作釣翁桓溫謂謝玄四十六必擁旄

辛亥元日戲占千支雞聲戒朔初號丑自樂天詩鳴雞斗柄占時已

指寅世路曾無一知己身年忽復五逢辛余生

百城曉拆春承亥已亥守菜館寒燈臘謝申申

東萊十載轉蓬嗟客子千官鳴玉賀昌辰

去歲孟秋一珠上人持書軸來示告以往

遊伽伽智異等山願得一語遂次其卷中

韻為別今年正月歸自嶺南復來求詩輒

書此以贈

題詩相別候蟲秋重對袈裟歲已道一柱明前

紅葉亂雙溪洞裏白雲幽出家心迹元無著作

吏行箴可自由聽說名山鈴閣靜小梅初發雪

侵頭

題信堅上人詩卷

萬竹叢中一徑開雪殘春色動新梅官居寂寂

如村舍獨有山僧乞句來

云歲閏三月之初余始到府庭梅數樹零
落已盡今年正月中春寒甚峭梅尚未開
余將解印北歸方以不見梅為恨府居宋
碩羨乃俛仰宋相公之孫也以盆梅一株
見遺數花初發古槎絕竒喜而有賦
昨歲來何晚今春去太忙方嗟負清賞忽喜對
孤芳瘦朶橫斜影寒葩寂歷香南州好風味吾
已著詩囊

萬曆三十九年正月十一日左副承旨成
貼今觀本道觀察使狀 啓爾令明志潔

先賴後力山城凡事着意措置極為可嘉
茲 賜表裏一襲爾共領受事有 旨書
款臣於本月二十日在本府祇受臣拜
命荷 恩無任激切兢惶之至謹綴七言
近體詩一首書于潭陽府之衙軒
誤膺廷擢綰州章共理元非漢吏良盛世只希
泚黜罰虛名誰道荷褒揚十行 御札絲綸煥
一襲官綬雨露香拜向北辰 恩似海涓塵無
補涕徒露

次雲逸上人詩卷韻

萬里晴嵐一道泉石壇春靜日如年
芒鞋布襪尋真約松桂花香滿洞天
羈心日夜憶林泉四十如今又一年
直欲掛冠春作伴故園歸趁賣餚天

竹軒雨中

烟雨濛濛叢竹深屋簷啼鳥弄春陰
正是江南好時節使君歸夢在東林

金秀才軾伯瞻乃我曾祖母曾姪孫於我
三從表兄也世居光州柴石村來言里中
有池亭之勝昔者梁松川應牧本州時曾

題一絕高霽峯命和之因書示余請步其

韻拙不獲拒敢蹈續貂之譏云

野岸微風颺柳絲杏花籬落燕差池村翁共話
農桑事一縷茶烟午景遲
一代詩豪兩色絲平章舊里好園池小才那得
追高韻獨恨登亭我太遲

二月初四日發潭陽還京城

潭之為邑土多豪族余本性鷗嫉惡如
讐自到府以來故先抑強治尚勸善巨
室甚怨小氓頗悅及余乞駿而歸也民

人父老無不聚集環擁衙舍填塞官門
至於涕泣相與攀挽戲占四十字以示
邑人

大戶推欲去小戶挽欲留強者謗交起弱者涕
之流爾俗豈羨惡我故有劣優莫若兩心好歸
卧春江頭

宿公州山城奉簡十梅軒主人石陽正

公子高軒梅十株東風開但北枝無客
未相訪夜宿官城江月孤
錦江丞問答

問津吏津頭一路湖南口湖南五十七州官解
綬歸來幾人有

津吏答似公行李不曾着公歸但向長安去聞
說長安住也難

二月二十一日渡漢江入京城去年二月

二十九日拜辭出城至是凡十有四月合

三百七十六日

二月前年出城去如今二月渡江回東園花竹
心常憶北岳烟霞眼忽開氓俗是非都似夢官
途榮辱只堪哈隣人問我成何事四十空添一

歲來

三月二十五日被駁罷職司諫院凡諫院今啓曰

可一日曠廢職事潭陽府使李其以掃墳
所由上京久不還心方春之節民弊不實
請命罷職蓋院官知余不樂潭
府姑為論罷令免棄官之律也

潭州只管古山城地是雷封任本輕諫者有評
誰更愠廟堂咸薦固非榮深慙黃霸治民術遠
慕陶潛遁世情從此水南無水北角巾隨處恣
閑行

四月二十一日祇受表裏而作

目全羅道兵使狀 啓特賜表裏一襲

故院吏奉持而來臣方在罷官之中竊
以負國為懼曲蒙 聖慈追獎微効感
躍竦駭不知所措謹占短章用述鄙志
銀毫老吏款荆扉內篚新封降玉墀諫署飛章
遭譴日帥臣馳狀乞褒時微勞只効牛羊茁
寵錫偏蒙雨露滋感戴 綸音拜稽首瑣才無
路報 鴻私

東岳先生集卷之九 潭州錄終

